



UNIVERSITÄTS-  
BIBLIOTHEK  
PADERBORN

**In Vaticinia Isaiae, Prophetæ Clarissimi, Paraphrasis,  
Heroico carmine conscripta**

**Carpenteius, Joannes**

**Antverpiæ, 1588**

Cap. 61.

---

[urn:nbn:de:hbz:466:1-68688](https://nbn-resolving.org/urn:nbn:de:hbz:466:1-68688)

Vinctus perpetuis immania membra catenis?  
 Nullatuos bello fatalis machina muros  
 Concutiet, nullus fines populabitur hostis:  
 Sed secura salus, pax tuta, satellite nullo,  
 Servabunt portas, sine veete seraque patentes:  
 Non ibi clara dabit sonitum tuba terrificum, sed  
 Incustodita carmen resonabit in vrbe,  
 Latitiaq; frement vici, plausuq; platea.

<sup>19</sup> Necia tu macula, letumq; & dulce renidens,  
 Ut sol fulgebis, nihil attamen indiga Solis,  
 Nil Trivia, qua nocte suum nigrante reducit  
 Plena diem: Deus ipse tibi lux alma, decusque  
 Aeternum, nulliq; astro sua lumina debens,

<sup>20</sup> Solus erit, non ille pati dispendia, Luna  
 More, sciet, sensimq; eadem reparare renascens,  
 Nec sua (deficiens ut sol mortalibus omen  
 Tristibus horrificum) cingi sinet ora tenebris.  
 Hac mortalia sunt, variisq; obnoxia causis,  
 Momentisq; fluunt olim interitura: sed vnus  
 Aeternusq; Deus, lux magni publica mundi,  
 Lux indeficiens, lux cuius ab ignibus ignes  
 Auricomi, quotquot caelo spectantur in alto  
 Lumen habent, hac te lux aurea tota, beatam  
 Lustrabit face perpetua, luctumq; doloremq;  
 Atraq; tristitia luventis nubila pellet.

<sup>21</sup> Tum ciues, o Diua, tui, quos nobilis instar  
 Germinis, aut lecta generoso e semine stirpis  
 Ipse manu in seui, tecumq; adolescere iussi,  
 Iustitia cultu crescent, terramque parentem  
 Non frustra effæta steriles radice, tenebunt;  
 Sed propagabunt late genus, vnde nepotes  
 Omnia durando voluentes secula vincent.

<sup>22</sup> Quinetiam leto veluti depactus in aruo  
 Surculus, in sobolem immuneram (mirabile visu)  
 Et gentem magnam, nec erit mora longa, resurgent,  
 Terque sua populos obnubent mille sub umbra.

Hac ego post certos decursi temporis orbes  
 Ut rata sint faciam, nec me vis vlla tenaci  
 Flectet proposito: sedet æternumq; sedebit  
 Hac animo defixa meo non vana voluntas.

Cap. 61. <sup>1</sup> Utq; minus dubites, nec viribus hæc quoque credas  
 Conspicere humanis, patrio vibratus ab ore,  
 Me super afflauit cælestem spiritus antram,

19 Non erit tibi amplius sol ad lucendū per diem, nec splendor lunæ illuminabit te: sed erit tibi Dominus in lucem sempiternam, & Deus tuus in gloriam tuam.

20 Non occidet vltra sol tuus, & luna tua nō minuetur: quia erit tibi Dominus in lucem sempiternam, & complebuntur dies luctus tui.

21 Populus autē tuus omnes iusti, in perpetuum hereditabūt terram, germen plantationis meæ, opus manus meæ ad glorificandum.

22 Minimus erit in mille, & paruulus in gentem fortissimam: ego Dominus in tēpore eius subito faciā istud.

## Cap. 61.

1 Spiritus Domini super me, eo quod vixerit Dominus me ad annuntiandum mæfuetis misit me, ut mederer cōtritis corde, & predicarē captiuis indulgentiam, & clausis apertionem:

Et sacrosancto totum perfudit oliuo,  
 Mirificog, sui mihi cor flammauit amore,  
 Edocuitq, loqui densis immer sa tenebris  
 Arcana, & totum sua nuncia ferre per orbem,  
 Nuncia non iras rapidum-ve minantia fulmen,  
 Sed pacem, veramq, piis latura salutem,  
 Latitiam afflictis, solatia dulcia mæstis,  
 Speratamq, reis toties, totiesq, petitam  
 Sed frustra veniam, detractaq, vincula nexis.

2 Vt prædicarem an-  
 num placabilem Do-  
 mino, & diem vitio-  
 nis Deo nostro: vt cõ-  
 solarer omnes lugen-  
 tes:

3 Vt ponerem lugen-  
 tibus Sion, & darem  
 eis coronam pro cine-  
 re, oleum gaudij pro  
 luctu, pallium laudis  
 pro spiritu meroris:  
 & vocabuntur in ca-  
 fortes iustitiæ, planta-  
 tio Domini ad glori-  
 ficandum.

4 Et ædificabunt de-  
 ferta à seculo, & mi-  
 nas antiquas erigent,  
 & instaurabunt ciui-  
 tates desertas, dissipat-  
 as in generationem  
 & generationem.

5 Et stabunt alieni, &  
 pascunt pecora vestra:  
 & filij peregrinorū,  
 agricolæ & vinitores  
 vestri erunt.

Ille ego, qui festum placati numinis annum,

Optatamque tuis atavis denuntio lucem,  
 Qua dignas Domino luctus vindice pœnas,  
 Gaudebunt iusti, luctus procul omnis abibit,  
 Et sedabuntur me consolante dolores,

Abiectiq, nouas vires, animosque resument,  
 Atque inconcussum me respiciente vigorem.

Ergo agite, o matres, natæq, nurusque Sionis,  
 Pro cinere immundo, & pepli lachrymabilis vsu,  
 Cingite flore nouo caput & frondente corona,  
 Depexosque oleo fragrante perungite crines;  
 Pomite ferales cultus, monumenta doloris,  
 Et gratabunda festiuas sumite vestes:

Munere namque meo vobis redièrere repente  
 Pax & iustitia, & nulli superabile robur,  
 Visque inuicta virum, Domini prænobile germen;

Quos ego, non aliter quàm rari sedulus horti  
 Cultor ab extremo translata littore plantas,  
 Excolui, semperque colam, dum prorsus adulti,  
 Iamq, suis validi truncis, (mea magna voluptas  
 Et dulcis labor, & multi cultura decoris)

Protendant late ramos, & ad æthera raptim  
 Vi propria nitantur, & omne nemus subiectum  
 Nube tegant, solemque premant maioribus umbris.

Tunc recidiua manu desertæque mania forti  
 Cernere erit poni, strataeque resurgere moles,  
 Et noua præruptis in montibus oppida condi,  
 Vicinasque astris arces spectare iuuabit,  
 Passimq, incultas, cultasq, habitari eroras. (sul,

Confluet huc genus omne hominū, peregrinus & ex-  
 Aduenæq, & vestris seruitum nutibus ibunt:  
 Curabunt alij pecuaria, manequè primo  
 Armenta atque greges in pingui pascua mittent;  
 Depangent alij vites, hi vomere terras

Proscindent,

Hoc exponit  
 Christus ipse  
 apud Lucam  
 cap. quarto:  
 Hodie imple-  
 ta est prophe-  
 tia hæc in au-  
 ribus vestris  
 &c.

Proscindunt, iunguntque alacres ad aratra iuuenkos,  
 Quisque suis operis vocique intentus herili.

6 Vos verò meliore loco, melioribus ortos  
 Auspiciis, gens ante alias generosa, mihi que  
 Lecta tribus, mea sacra manent, semperque manebunt  
 Felici tractanda manu: quid? creditis istud  
 Exiguum munus? vobis patet aurea solis  
 Interior templi domus, & penetrabile prophanis  
 Obstructum populis, qui vos ut numinis alti  
 Sacrificos mystasque colunt, reuerentur, honorant.  
 Nam seruire Deo, regnare est. denique vobis  
 Nil deerit, dominis rerum quas possidet ortus,  
 Quas habet occasus; quidquid sub vitroque iacentes  
 Sole tenent populi, vestrum est; Deus omnia vobis,  
 Remque decusque, nouos titulos, noua nomina fecit;  
 Nec procul inuidia positos concessit honores.

7 Ergo degenerem detergite fronte pudorem,  
 Recta placent, in me rectos attollite vultus.  
 Vestra est quanta patet rerum solidissima tellus,  
 Quam dimensus ego vobis in pace colendam  
 Latitiamque, sua pro sorte cuique relinquo.  
 Este metus igitur vani procul, este timores,  
 Et noua flebilibus succedant gaudia curis,  
 Gaudia, quae nullus luctus asperget amaror,  
 Sed pura, & nullis inter moritura diebus.

8 Nam mihi simplicitas cordi est, rectumque fidesque:  
 Vnde fit, ut vos hoc praesertim nomine cunctis  
 Pretulerim populis, quos sobragus undique lustrat:  
 At qui diuitias sibi congesse rapinis,  
 Quique latrociniis gaudent, & cadibus, odi.  
 Quare nec partis per vim fraudemque fruuntur,  
 Nec natis (quae prima patrum sunt vota) relinquunt;  
 Sed sua furta palam, populo licitante, sub hasta  
 Addici rancia praekonis voce videbunt,  
 Quae vos, & vestri per secula multa nepotes  
 Munere cuncta meo, sine lite tenebitis vlla.

9 Hac ut sint vobis faciam rata fœdere firmo,  
 Immemorem cuius me nulla redarguet aetas.  
 9 Ex illo latè crescet genus omne piorum,  
 Perque vrbes populosque satum, tractusque remotos  
 Deducente Deo, fœtusque fonte tenellos:  
 Quo vaga cumque patet tellus circumflua ponto,  
 Mille nouas soboles celeri dabit incremento,

6 Vos autem sacerdotes Domini vocabimini: Ministri Dei nostri, dicitur vobis: fortitudinem Gentium comederis, & in gloria earum superbielis.

7 Pro confusione vestra duplici & rubore laudabunt partem eorum: propter hoc in terra sua duplicia possidebunt, laetitia sempiterna erit eis.

8 Quia ego Dominus diligens iudicium, & odio habens rapinam in holocausto: & dabo opus eorum in veritate, & fœdus perpetuum feriam eis.

9 Et scietur in Gentibus semen eorum, & germen eorum in medio populorum; omnes qui viderint eos, cognoscent illos, quia isti sunt semen cui benedixit Dominus.

*Quae magnam in gentem lata propagine surgent.*

*Tum verò magna haec, & non humana videri  
Finitimis, & qui coram propiusque videbunt,  
Agnoscent, dicentque Dei memorabile munus;  
Et populum hunc ad se caelo diuinitus actum  
Suscipient, dextrisque datis in mutua iuncti  
Fœdera deuentent, & iam gens vna sub vno  
Sacra eadem morésque Deo legésque subibunt,  
Reginâq; chori carmen præeunte sonorum,  
Alternis talem cantabunt versibus hymnum:*

ro Gaudens gaudebo  
in Domino, & exul-  
tabit anima mea in  
Deo meo; quia induit  
me vestimentis salu-  
tis: & indumento iu-  
stitiæ circumdedit me,  
quasi sponsam deco-  
ratam corona, & qua-  
si sponsam ornatam  
monilibus suis.

*20 Hactenus exsilia, & duros meminisse labores  
Quos tulimus, regumq; minas, & iussa superba  
Fas fuit, ô comites: at nunc (quis magna potentis  
Facta Dei possit meritis aequare canendo  
Versibus?) exultant dulci præcordia motu,  
Ménsque salis mira dulcedine capta, Deoq;  
Auctori tantorum operum noua carmina dicit.  
Ipse mihi quando merita nihil, omnia largus  
Munificusque vltro cumulauit munera dextra:  
Namque salutari nudam protexit amictu,  
Iustitiæq; dedit gemmantem ferre coronam;  
Vnde ego sublimis medias incedo per vrbes,  
Insigni pompa; veluti cum sponsus amate  
Deductus sponsæ, deductæ ve sponsa marito,  
Purpura vterque micans, auro distinctus vterque,  
Et gemmis crines, & colla monilibus ardens,  
Compositos ineunt thalamos præeunte chorea.*

Ecclesia quæ  
exultat in  
Deo suo.

11 Sicut enim terra  
profert germen suum,  
& sicut hortus semen  
suum germinat: sic Do-  
minus Deus germi-  
nabit iustitiam, &  
laudem coram vniuer-  
sis Gentibus.

*11 Felix ô felix tempus, quo sancta per orbem  
Iustitia, ut roseis nitidissima virga viretis,  
Flôsq; nouus regum cultis nutritus in hortis,  
Exsurgat, diuinâq; caput sub luminis auras  
Exeret, & populis letos afflabit odores,  
Hyberni nullo perituros frigore cæli.*

Per ornân-  
ta hæc signi-  
ficantur vera  
spiritus fan-  
cti charisma-  
ta.

Cap. 62.

1 Propter Sion non  
tacebo, & propter Ie-  
rusalem non quiescã,  
donec egrediatur ut  
splendor iustus eius,  
& saluator eius ut læ-  
pas accendatur.

*1 En vnquã lucem hanc leuibus citus aduehet horis,  
Lucifer, ante alios cæli incundior ignes?  
Certè ego summe Deum, vates tuus, vsque precari  
Non mittam, neque si lacrymas fletusq; requiris,  
Fletibus aut lacrymis parcam, dum luceat ille,  
Ille dies festo vectus per carula curru,  
Quo Solymas Iustus sese dimittat in oras,  
Et iuga palmiferæ lustret nebulosa Sionis:  
Nec iuga palmiferæ tantum nymbofa Sionis,  
Sed cunctas, quocunque iacent sub cardine, terras*

Cap. 62.

Hic exprimit  
Vates vehem-  
entem suum  
erga populum  
Iudaicum af-  
fectum.

Luce